


Centro Betico Croes a keda entrega na Fundacion "Cesar Terzano"



ORANJESTAD(AAN)-- Ayera mainta a tuma lugar un ceremonia na unda Centro Betico Croes, situa na Santa Cruz a keda entrega oficialmente na Fundacion "Ing. Cesar Terzano".

Na inicio di e proyecto varios lidernan di MEP a participa na e construccion di e Centro y despues di partido a dicidi di nombra señor Rudy Croes como coordinador di e trabaonan.

Señor Yendi Croes a keda encarga cu e construccion, señor Islio Vrolijk cu e pintura, mientras cu señor Lino Vrolijk y Tommy Croes a percura pa in-

stalacion di electricidad.

E yabinan a ser entrega ayera mainta na sr. Rudy Croes, kende na su turno a entrega e yabinan na e Fundacion "Ing. Cesar Terzano", cu tabata representa pa su presidente sr. Ing. Richard Eman, secretario sr. Franklin Oduber y su tesorero sr. Romeo Thijsen.

E Centro lo ser usa pa entre otro educacion y formacion di hobennan cu ta interesa den politica en general y tambe como Centro di Informacion.

Ta planea pa e apertura oficial tuma lugar dia 11 di April den presencia di e participantenan di e Conferencia di SICLAC y e pueblo di Aruba en general.